

SHIMARUCU



Ora cu yobe un awa grandi ya den e promé siman caba e matanan di SHIMARUCU ta jena jen-jen di flornan chikito biña y blanco. Despues di 4 siman e mata ta cuminza duna fruta.

Boso tur a jega di come SHIMARUCU, e fruta corá chikito cu ta parece un appel miniatura. Nan sa jamé "Jamaican Cherry", Barbados Cherry", "Cerise" y tambe "West Indian Cherry" ya cu e ta crece tur rond den Caribe.

Na Aruba e SHIMARUCU ta crece tur parti den mondi, den hoffinan y hasta den piedra. Tin biaha e mata tin sumpiña of naño. Esey bo ta ripará ora bo caba di piki

SHIMARUCU y bo cuminza grawatá. E fruta tin 3 simiya pegá na otro y ora bo apartá nan bo ta haya 6 simiya. Tene cuidao cu e simiyanan, no guli nan sino bo ta 'pak'. Pesey, masque con dushi e fruta ta, mihor no duna mucha chikito, òf saca e simiyanan prome.

Tur parha ta come SHIMARUCU. Tin biaha promé cu bo mes haya chens di savoriá e cosecha ya nan a piek nan. Y den tempo di yobida wimpiri of lembe-lembe ta rondoná e mata.

E SHIMARUCU ta jen di vitamina C. Un SHIMARUCU tin mes hopi vitamina C cu 12 appelsina. Tin hende ta traha juice di SHIMARUCU y otro ta traha biña di dje. Antes nan tabata herbe su foyonan y nan ta bebe e té aki ora di dolor di stoma.

E bieonan no ta gusta pa bo sacudí e mata. Nan ta bisa si bo sacudié otro aña e ta pari SHIMARUCU zuur. Straño, no?

Na Aruba bo ta haya hopi mata di SHIMARUCU na caminda di Boca Prins, Miralamar, Yamanota, Masiduri, Rooi Taki y vecindario. Pero tin hende cu tiné na cas tambe.....



Mata di Shimarucu na Sabanilla Abao

NOBO

E Bebida di Carnaval!

V8

Splash

TETRA PACK

Splash me!

AGENTE EXCLUSIVO:

Unisaes

TEL: 823821

haya



CHABALITO

Number 6 - Año 2 - February, 2000 - Afl. 2,=

